


服部文庫  
117  
2167  
1





香山君墓誌銘

子紀國制自和歌山至江戶每七里置急足傳遞謂  
 之七里役刈谷君就役居遠江新居文政四年辛巳  
 四月十日君生於此年十二從考徙於江戶十五為  
 香山堅兵衛所子養香山氏相摸浦賀與力也堅兵  
 衛君歿君又為与力食四十石天保十四年癸卯更  
 食八十石嘉永六年癸丑六月米利堅合衆國遣使  
 來浦賀先是有飛語曰米使當來君憂之謁港戶向  
 之尹亦方憂之而未知虛實使君至江戶竊質諸有

司有司告不以實至是應接甚苦君奔走周旋竟得  
了事有妬功者讒言竟興秋築明神崎砲臺有勞命  
以見祿為譜第舊制海關与力止其身不得祿死之  
日有子堪事者則更召為與力否則不得為若其功  
勞超眾者以百苞祿為譜第而後始得世祿君之祿  
倍舊制者蓋異數也明年正月米使復來請和親強  
梁不肯降將迫於江戸官吏代往說諭不聽於是改  
府復用君說乃相橫濱為應接地以得不迫於都下  
而和約亦成事具橫濱相土碑君前後多功勞殆有  
驚人視聽讒言益興中道不復用賞亦不及而以其

迹不可掩也四月召拜富士見寶藏番徙居江戸文  
久三年癸亥為步兵差圖役頭取勤方班小十人初  
君謂方今盡吾職莫如砲技入田付主計門究其術  
教授於浦賀而日新之技其法亦屬陳腐乃獲新器  
舶載者就洋書尋繹畧通新法後又入下曾根信敷  
門又究其術与同僚中島永胤協力建議更革浦賀  
旧銃隊為新制及來江戸仍以教授故有此命四月  
將築浪華川口砲臺命君監督君至浪華觀其地勢  
不可上意見事遂寢元治元年甲子六月兼步兵組  
改役加俸十五口會常野賊起據筑波山麓政府遣

一軍討之君在遣中進至雲雀塚會戰八度頗有功  
然議論不合褫官得嚴譴而歸慶應三年丁卯復起  
為步兵差圖役頭取勤方維新之際藉靜岡卜居東  
京巢鴨植桑茶養閒明治十年四月三十日病歿年  
五十七葬於

配岡田氏生三男長永隆

嗣永隆舊政府時與弟實造同班富士見寶藏番為  
軍艦組今見為海軍大尉次實造出嗣內藤三郎右  
衛門家見為海軍造船所五等師李芳兩田政府時  
為步兵差圖役並勤方今為高善回青畫君為人忠  
直果毅通曉事務莫少阻滯不為苟合屢敗於讒然

至誠奉公故躡而能起又長巧思嘗倣洋製造戰艦  
於浦賀寬永以後大艦之作以是為蒿矢云銘曰  
解紛導窾處險履坦以身許國立言侃々禍福在天  
於我何瘳

明治十三年一月

服元彰稿

A table with 11 vertical columns and a blue border. The table is empty.

|  |  |  |  |  |  |  |  |  |  |  |
|--|--|--|--|--|--|--|--|--|--|--|
|  |  |  |  |  |  |  |  |  |  |  |
|--|--|--|--|--|--|--|--|--|--|--|

117. 2314.

